

MINISTARSTVO ODGOJA I OBRAZOVANJA KS  
ŠKOLSKI ODBOR ELEKTROTEHNIČKE ŠKOLE ZA ENERGETIKU  
URED ZA BORBU PROTIV KORUPCIJE I UPRAVLJANJE KVALITETOM KS  
MINISTARSTVO PRAVDE I UPRAVE KS  
OSCE

**Predmet : Zastupnička inicijativa za 17. radnu sjednicu**

Upućujem inicijativu Školskom odboru Elektrotehničke škole za energetiku radi očitovanja svih članova pojedinačno o poduzetim aktivnostima koja se tiču prekršaja ustanovljenih inspekcijskim nalazima, zastupničkog pitanja Skupštine KS kao zakonodavnog organa i Inicijative upućene 15.11.2023. godine, akt broj:03-05-04-13031/24 upućen od strane Ministarstva pravde i uprave od 25.3.2024. godine radi postupanja po Inicijativi od 26.02.2024. godine.

Prema saznanjima koje imam prekršaji i izrečene kazne nastavljaju se nizati, a da niko od nadležnih ništa ne preduzima, što šteti ugledu njenih učenika, uposlenika ali i Kantona Sarajevo, kao osnivača škole. Zato vas pozivam na odgovornost i nepristrasnost uz hitnu reakciju na postupke kršenja zakona koje mora biti sankcionisano. Svaka administrativna šutnja je odraz podrške i zataškavanja cijelog slučaja .

Izostala je reakcija i Ministarstva odgoja i obrazovanja na Inicijativu od 15.11.2023.godine, te posljednju Inicijativu od 26.2.2024 godine. Svakako očekujem odgovor o poduzetim koracima u sprovedbi i zaštiti zakona u predmetnoj problematici u što hitnijem roku.

U skladu sa nadležnostima Ureda za borbu protiv korupcije i upravljanja kvalitetom KS očekujem da se aktivno uključe u sprovedbu zaštite zakona koji se u ovom slučaju grubo krši.

**Obrazloženje:**

Nakon uvida u Izvještaj dobiven od Kantonalne uprave za inspekcijske poslove KS dana 26.02.2024. godine, pokrenula sam Inicijativu koja ukazuje na kršenje zakona direktora Elektrotehničke škole za energetiku, a radi utvrđenih prekršaja koji se ponavljaju i predstavljaju osnov za njegovo razriješenje . Obzirom da nisam dobila nikakav odgovor od Ministarstva

odgoja i obrazovanja, niti Školskog odbora škole, uputila sam Uregenciju na Inicijativu dana 29.04.2024. godine i reakcija je opet izostala.

Na ovu Urgenciju očitovao se Ured za borbu protiv korupcije i upravljanja kvalitetom KS, koji navodi da je resorno Ministarstvo odgovorno za sprovedbu zakona, kao i sam školski odbor, međutim, kao ni na samu Inicijativu, niti na Urgenciju Ministarstvo odgoja i obrazovanja i Školski odbor škole ne odgovaraju ovu Inicijativu istu upućujem na više adresa radi svjesnog neodgovaranja, tj. nereagovanja kako Školskog odbora, tako i resornog ministarstva. Navedena situacija traje već godinama i očekujem da će učešće OSCE-a biti od velikog značaja.

Uz zahvalnost za odgovor na sve prethodne Inicijative vezane za ovu problematiku Ministarstvu pravde i uprave upućujem Inicijativu radi nastavka djelovanja iz njihovog djelokruga rada.

Marijela Hašimbegović dia

zastupnica

Sarajevo, 26.11.2024 godine